



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 561 Usque Ad Annum 633

Fleury, Claude

August. Vind. [u.a.], 1759

VD18 90117832

§.24. Eleemosynæ Constantinopoli Romam transmissæ.

[urn:nbn:de:hbz:466:1-66072](https://nbn-resolving.org/urn:nbn:de:hbz:466:1-66072)

Sæculum VI. pos. *Præterea certiores facti sumus, con-*
A.C. 599. *Constantinopolim fuisse vocatos; ideo, ne*
quis occasione hujus Concilii vos fallat, quamvis sine Sacræ Sedis Auctoritate ni-
hil firmum, validumve decerni possit, moneo vos, & coram Deo obtestor, ne
solicitationibus, aut blanditiis, aut pro-
missis, aut minis quorumcunque hominum
cedatis, sed Judicium æterni Judicis in
te oculos mentis vestræ habeatis, & tan-
quam Pastores boni vigore Episcopali for-
tissimum pectus illi objiciatis, qui vult Ec-
clesiam dividere. Quamvis autem de isto
Titulo invidiæ pleno nulla amplius men-
tio renovaretur, sollicitè cavete, ne quid-
quam in præjudicium cujuscunque Sedis
aut Personæ attentetur, aut Canones in
quocunque violentur. Si enim quisquam
vestrum Canones læserit, aut iis, quæ in
hac Epistola continentur, non obtemper-
averit, a S. Petri Communione excludetur.
 Hæc Epistola Indictione secunda anno
 599. data est.

§. XXIV.

Elemosynæ Constantinopoli Romæ
transmissæ.

VII. epist. 2. **I**ndictione tertia ineunte seu mense Se-
 ptembri ejusdem anni 599. S. Grego-
 rius litteras ad Mauritium Imperatorem
 dedit, gratias agens pro libris auri tri-
 ginta Civitatis Romanæ pauperibus
 trans-

transmissis, quas Cæsareorum ministro-
rum aliquis attulerat. *Has, inquit Papa,*
Minister tuus inter Episcopos aliosque
egenos optima fide distribuit. Ceterum
multæ Moniales ex aliis Provinciis pro-
fugæ in hanc Urbem venerunt, easque in
Monasteria misimus, quoque locum in-
venire potuerunt, reliquæ extra Monaste-
ria cum paupertate colluctantur. Hinc
illud, quod de largitate vestra superfuit,
misellis dandum esse credidimus, postquam
cæcis, mutilatis, ceterisque infirmis suam
Eleemosynæ partem contulimus. Militi-
bus quoque sua stipendia fuere numerata;
hinc gratias agentes conquerendi finem fe-
cerunt. Verisimile est, Episcopos, hic
pauperibus annumeratos, tales fuisse, qui
a Longobardis ex Ecclesiis suis pulsi Ro-
nam confugiebant. De Monialibus au-
tem S. Gregorius mentionem facit in alia
quoque Epistola, data ad Theoctistam Im-
peratoris sororem, & regendis Liberorum
ejus moribus præfectam, quæ duobus
ante annis parem pecuniæ summam
nempe triginta auri libras sibi miserat.
Gaudeo tui causa, inquit Papa in illa E-
pistola, sed mihi timeo, non solum Bono-
rum S. Petri, sed etiam tuorum aliquan-
do rationem Deo redditurus. Crotona,
urbe maritima, anno superiore capta, Lon-
gobardi multos homines nobili stemmate
natos in captivitatem abstraxerunt, quo-
rum

Sæculum VI.
A. C. 599.

V. epist. 13.

Sæculum VI.
A. C. 599.

quorum aliqui redempti fuerunt, plures vero in eorum potestate relictæ, quod nimium est, quod exigunt, pretium. Mediam partem acceptæ a te pecuniæ statim misi ad eos redimendos, & altera partem stragulas empturus sum pro Monialibus, quas perfrigida hujus hyemis tempestas multum affligit. Harum Monialium tria millia sunt, quibus per annum ex Bonæ S. Petri libræ octoginta præbentur. Sed quantum istud est pro tanta multitudine, præsertim in hac Civitate, in qua omnia cave emenda sunt. Vitam vero discunt adeo sanctam, ut piissimarum feminarum abstinentiæ & lacrymis in acceptis referendum existimem, quod inter Longobardorum gladios positi nec non consumti simus. Hæc ad Theodistam Epistola Indictione quinta anno 597 data est.

§. XXV.

Consilia Theodistæ & Gregoriana data.

IX.ep.39. Annis quatuor exinde elapsis S. Gregorius ad eandem Theodistam dedit Epistolam consolatoriam, cum relatum ei fuisset, quod Theodista aliquorum errorum perperam accusaretur, & ipsa idcirco vehementer affligeretur. Ille, inquit, qui vitæ suæ testem habet in Cælo, judicia hominum in terra non timet.